



Broj: 05/1-50-13-26-53-4/18

Sarajevo, 19. 11. 2018. godine

## IZVJEŠTAJ

### **sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Državne agencije za istrage i zaštitu**

Sastanak je održan 12. 11. 2018, s početkom u 11 sati, u prostorijama Državne agencije za istrage i zaštitu u Sarajevu. Prisustvovali su: Perica Stanić, direktor Državne agencije za istrage i zaštitu, Đuro Knežević, zamjenik direktora Državne agencije za istrage i zaštitu, Ilma Mehić-Jusufbašić, Mate Miletić i Ljubomir Kuravica, članovi Nezavisnog odbora, te Ivana Lovrić, sekretarka Nezavisnog odbora.

Direktor Državne agencije za istrage i zaštitu Perica Stanić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Ilma Mehić-Jusufbašić ukratko je obrazložila razlog posjete. Rekla je da je posjeta organizirana u skladu s redovnim planskim aktivnostima Nezavisnog odbora s ciljem održavanja kontinuiteta saradnje s policijskim agencijama iz svoje nadležnosti.

U razgovoru s članovima Nezavisnog odbora direktor Državne agencije za istrage i zaštitu Perica Stanić upoznao je članove Nezavisnog odbora o trenutnim aktivnostima u ovoj policijskoj agenciji, stanju kriminaliteta, terorizma, o Zakonu o policijskim službenicima BiH, kadrovskoj i nacionalnoj popunjenosti u Agenciji i ostalim pitanjima iz djelokruga Državne agencije za istrage i zaštitu.

Kada je u pitanju Zakon o policijskim službenicima BiH, direktor je istakao da su u nacrtu novog zakona tražili da se interni premještaj policijskih službenika preko 80 i više kilometara, koji po aktuelnom zakonu ne može trajati duže od jedne godine, pomjeri na četiri godine.

Dalje je istakao da, što se tiče kadrovske popunjenosti u ovoj policijskoj agenciji, u penziju do kraja godine idu jedan policijski službenik, tri viša inspektora, jedan samostalni inspektor i tri glavna inspektora. Poseban naglasak bio je na neujednačenoj zakonskoj proceduri

penzionisanja policijskih službenika u Državnoj agenciji za istrage i zaštitu iz Federacije BiH i Republike Srpske.

Također, istakli su svoje zadovoljstvo kupovinom zgrade Državne agencije za istrage i zaštitu u Mostaru, čime je trajno riješen problem smještaja regionalnog ureda Mostar koji pokriva područja ministarstava unutrašnjih poslova Hercegovačko-neretvanskog kantona, Zapadnohercegovačkog kantona i Kantona 10 u Federaciji BiH i područje Centra javne sigurnosti Trebinje u Republici Srpskoj.

Članovi Nezavisnog odbora u razgovoru s rukovodstvom Državne agencije za istrage i zaštitu osvrnuli su se i na događaj koji je potresao cijelu BiH, a to je ubistvo dva policajca u Sarajevu. Istakli su da je 40 policijskih službenika i 20 inspektora iz Kriminalističko-istražnog odjela (KIO) Državne agencije za istrage i zaštitu bilo uključeno u istragu.

Dalje je u razgovoru direktor Državne agencije za istrage i zaštitu informirao članove Nezavisnog odbora da je zadovoljan odnosima s drugim policijskim agencijama u BiH kao i s Tužilaštvom BiH, ali da bi mogli biti i bolji.

Razgovarano je i o međusobnoj saradnji i odnosima između direktora i zamjenika direktora Državne agencije za istrage i zaštitu, što je ocijenjeno kao vrlo dobro u nadi da će tako i ostati.

Članovi Nezavisnog odbora na kraju su naglasili da će Nezavisni odbor i dalje u okviru svojih nadležnosti pružati podršku radu Državne agencije za istrage i zaštitu, te im poželjeli mnogo uspjeha.

Sastanak je završen u 12.30 sati.

**PRVI ZAMJENIK PREDsjedNICE  
NEZAVISNOG ODBORA**  
Enes Obralića